



UNIVERSITÄTS-  
BIBLIOTHEK  
PADERBORN

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Velvti Totidem Ramos  
Distributa

**Illsung, Jakob**

**Dilingæ, 1693**

Meditatio CCLXXXIII. Monita & Præcepta, quibus Christus Apostolos  
instruit.

---

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

## MEDITATIO CCLXXXIII

*Monita & Præcepta, quibus Christus  
Apostolos instruit.*

Matth. 10. v. 5. Marc. 6. v. 8. Luc. 9. v. 3.

**P**UNCTUM I. *In viam Gentium ne abjeritis, & in ci-  
tates Samaritanorum ne intraveritis; sed potius ite-  
redes, quæ periêrunt Domûs Israël.* Matth. 10. v. 5. Dicitur  
ex hoc mandato Obedientiam, & Indifferentiam, quia sæpe amotio à certo loco, & à certis personis, quando spes majoris fructûs ibi faciendi affulserat, vel missio ad certum locum aut personas, ubi minus affulget spes fructûs, non exiguam Obedientiæ & Indifferentiæ parit difficultatem: sicut præsentis cal-  
prohibitio eundi ad Gentes, & ad Samaritanos præ-  
terat Discipulis difficilis videri; quia primùm nup-  
Viduam Gentilem, & Naaman Gentilem (apud Lucam c. 4. v. 25.) ab ipso Christo audiverant præsentem  
Israëlitis. Sic etiam de Centurione Gentili audiverant dicentem (apud Matth. c. 8. v. 10) *Non inveni tantam Fidem in Israël. Dico autem vobis, quòd multi à Oriente & Occidente venient, & recumbent cum Abraham, Isaac, & Jacob in Regno Celorum: filij autem Regni ejicientur in tenebras exteriores.* Viderunt etiam, ut refert Joannes c. 4. v. 39. magnam capacitatem, & promptitudinem Samaritanorum ad recipiendam Doctrinam Christi: *Ex civitate autem illa multi crediderunt in eum Samaritanorum, propter verbum mulieris testimonium præhibentis: quia dixit mihi omnia, quæcunque feci. Cum venissent ergo ad illum Samaritani, rogaverunt, ut ibi manserunt.*

neret. *Et mansit ibi duos dies. Et multò plures crediderunt in eum propter sermones ejus.* Oculis etiam, & auribus suis perceperant, quod Christus ipse expertus, & factus est. Luc. 4. v. 24. *Quia nemo Propheta acceptus est in patria sua.* Unde missio ad Israëlitas, & prohibitio ad Gentes & ad Samaritanos eundi, insignem occasionem & exemplum Obedientiæ, ac indifferentiæ ad locum & personas, cum proprii judicij ac voluntatis submissione nobis præbuit.

PUNCT. II. *Euntes autem prædicare, dicentes: Quia appropinquavit Regnum Cælorum.* Matth. 10. v. 7. Disce ex hoc mandato Obedientiam in rebus difficilibus, & in quibus est periculum diminuendi honoris, æstimationis, & contemptus subeundi. Mittebantur enim homines rudes, inexperti, nullo apparatu librorum instructi, ad prædicandum ex tempore, ac ad Pharisæorum crises, & judicia perferenda.

PUNCT. III. *Infirmos curate, mortuos suscitare, leprosos mundate, dæmones eijcite: gratis accepistis, gratis date.* Matth. 10. v. 8. Disce ex hoc mandato Confidentiam in DEVM, quando ea, quæ jubentur, proprias vires videntur superare; & Humilitatem, si magna præstiteris. Qui enim sibi diffidit, & DEO confidit, proprijs viribus majora præstat; & si ea præstiterit, omnia DEO, nihil sibi adscribit. Non minùs enim opus DEI est, morbos, mortem, lepram, dæmones ab Animâ dicendo pellere, quàm à corpore. Disce etiam maxima Beneficia gratis exhibere, non solum sine pretio, sed etiam sine gratitudine, laude, honore, favore &c. hoc enim est gratis dare.

## MEDITATIO CCLXXXIV

*Continuatio eiusdem Argumenti.*

Matth. 10. v. 9. Marc. 6. v. 8. Luc. 9. v. 3.

**P**UNCTUM I. *Nolite possidere aurum, nec argentum, neque pecuniam in Zonis vestris* (solebant enim olim Zonis appendi marsupia, five crumenæ) *non portetis in via* (sacculum scilicet viatorium, in quo viatores deferunt panes & escas) *neque duas tunicas, nec calceamenta operientia totum pedem* (nam apud Marcum c. 6. v. 9. Sandalia concessit, id est, soles pedis plantam solummodo munientes contra asperitatem, & æstum telluris accensæ calore Solis) *neque virgam* (defensionis aut vindictæ, armorum locum fervientem, quâ iudices ad designandam Potestatem judicalem utuntur: virgam autem, seu baculum viatorium Christus non tantum non prohibuit, sed expressè permisit apud S. Marcum c. 6. v. 8. *Præcepit eis, ne quid tollerent in via, nisi virgam tantum*) Hujus verò tam rigorosæ Paupertatis, quam omnem necessarij victûs curam repelli volebat, rationem assignans ait: *Dignus est enim operarius cibo* Matth. c. 10. v. 9. Unde de Divina Providentia esse confidere jubebat; hanc enim apud Auditores, quibus Evangelium prædicarent, de cibo ipsis provisoriam, ut eum nec ipsi emere, nec portare secum necesse haberent. Considera, quantam Paupertatem Christus à Discipulis exegerit, & quàm constanter illam etiam postea tenuerint, quàmque studiosè ea posterius, ac successores illorum (saltem quoad privatam